

Cov Kev Hloov hauv Medi-Cal Txog Tej Puavpheej Uas Qhia Tias Yog Neeg Amelikas thiab Yog Leejtwg Tiag Rau Cov Uas Yog Neeg Amelikas thiab Yog Neeg Tebchaws No

Ib tsab kevcai tshiab hais tias *yuav luag txhua tus* neeg uas thov lossis tau txais Medi-Cal uas yog neeg Amelikas lossis neeg ntawm lub tebchaws no yuavtsum tau muaj tej puavpheej uas qhia tias nws yog neeg Amelikas tiag *thiab* puavpheej qhia tias nws yog leejtwg tiag. Nyeem cov hauv qab no saib tsab kevcai no hais licas txog koj thiab koj tsevneeg.

**Yog tias koj tsis yog ib tus U.S. citizen lossis neeg ntawm lub tebchaws no,
tsab kevcai no tsis hais txog koj.**

Cov Neeg Tuaj Thov Medi-Cal –

Koj yuavtsum tau muaj puavpheej uas qhia tias yog neeg Amelikas thiab yog leejtwg tiag thiaj li yuav tau txais cov Medi-Cal uas kho tau txhua yam. Yog koj tsis muaj tej puavpheej ntawd lub sijhawm no, los cia li thov thiab mam li muab tej puavpheej ntawd tuaj tomqab los tau.

Yog koj muab tsis tau cov puavpheej ntawd tuaj li lub sijhawm uas luag hais, tabsis koj muaj txhua yam raws li luag tus qauv thiab muab lwm yam rau luag tas lawm, koj tsuas yuav tau txais cov ntawv khomob uas kho tau qee yam xwb. Qee yam ntawd yog kev khomob xwmtxheej ceev, kho kev xeebtub, thiab kev kho mus ntev.

Yog koj muab tej puavpheej ntawd tuaj tsis dhau li ib lub xyoos tomqab uas koj tuaj thov, luag yuav muab koj cov Medi-Cal hloov ntawm qhov kho tau qee yam los ua yam kho tau txhua yam suav txij thawj hnub uas koj tuaj thov los, nrog rau cov hlis uas koj thov rau uantej ntawd tibi.

Tseemceeb! Koj yuav tsis tau txais cov Medi-Cal uas kho tau txhua yam txog thaum koj muab tej puavpheej uas qhia tias koj yog neeg Amelikas *thiab* yog leejtwg tiag tuaj.

Cov Neeg Tau Txais Medi-Cal

Ua thiab xa koj cov ntawv *Txuas Ntaub Ntawv Txwm Xyoo* rov mus kom raws sijhawm. Yog koj tsis tau muaj cov puavpheej uas qhia tias koj yog neeg Amelikas thiab yog leejtwg tiag tamsim no losxij, koj mam muab mus tomqab los yeej tau. Qhia rau koj tus neeg tuav ntaub ntawv tias koj tseem tabtom nrhiav cov puavpheej ntawd. Luag yuav muab ib lub sijhawm uas tsimnyog thiab txaus rau koj mus nrhiav.

Yog koj nrhiav tsis tau tej puavpheej ntawd tabsis muaj lwm yam li uas luag hais lawm, koj cov Medi-Cal uas kho tau txhua yam yuav raug hloov los ua cov uas tsuas kho tau qee yam lawm xwb. Qhov no txhais tau tias koj tsuas siv tau nws los khomob xwmtxheej ceev, kho kev xeebtub, thiab kho cov kev mob ntev nkaus lawm xwb.

Yog koj muab tej puavpheej ntawd tuaj li ib lub xyoos tomqab rov tuaj txuas ntaub ntawv, koj cov Medi-Cal yuav raug hloov los ua cov uas kho tau txhua yam suav txij lub hlis uas luag tau muab hloov mus ua cov kho tau qee yam los.

Tseemceeb! Koj yuav tau txais cov Medi-Cal uas kho tau txhua yam mus ntxivyog tias koj tseem muaj lwm yam li uas luag hais *thiab* tseem niajhnub nrhiav tej puavpheej uas qhia tias koj yog neeg Amelikas thiab yog leejtwg tiag.

Neeg Tebchaws No –

Cov neeg ntawm lub tebchaws no uas suav cov neeg uas yug hauv American Samoa (suav Swains Island) thiab tuaj hauv cov Koog Povtxwv Northern Mariana Islands tuaj.

Tsis Yog Neeg Amelikas –

Yog koj tsis yog ib tus neeg Amelikas lossis yog neeg ntawm lub tebchaws no, koj tsuas tau muab tej ntawv uas luag hais kom koj muab yav tas los lawm xwb. Nws tsis tau muaj dabtsi hloov rau koj.

Yog koj tau them rau cov nqi khomob lossis kho hniav lub sijhawm uas koj tseem tabtom nrhiav tej puavpheej uas qhia tias koj yog neeg Amelikas thiab yog leejtwg tiag lawm nev?

Tej zaum Medi-Cal yuav kam them rau cov nqi ntawd. Hu mus rau lub Chaw Them Nqi Khomob hauv lub Department of Health Care Services mus nrhiav lus teb rau koj cov lus nug: **(916) 403-2007**.

Cov Ntaub Ntawv Uas Qhia Tias Yog Neeg Amelikas thiab Yog Leejtwg Tiag

Qhov yoojyim tshaj uas yuav qhia tau tias ib tus neeg yog neeg Amelikas thiab yog leejtwg tiag tibi mas yog **ib** yam ntawm cov ntaub ntawv no:

- Daim U.S. Passport uas tsis muaj kev txwv dabtsi li (txais daim tas sijhawm lawm)
- Daim Ntawv Xamxaj (N-550 lossis N-570)
- Daim Ntawv Xamxaj neeg Amelikas (N-560 lossis N-561)

– LOSSIS –

Yog koj tsis muaj ib yam ntawm cov ntaub ntawv saumtoj no, yuav tau muab...

Ib daim ntawv qhia tias yog neeg Amelikas uas teev rau hauv qab no:

- ❖ Ntawv yug hauv Tebchaws Amelikas
- ❖ Daim Ntawv Qhia txog Kev Yug (*DS-1350*)
- ❖ Daim Ntawv Qhia txog Kev Yug ib tus Neeg Amelikas hauv Txawv Tebchaws (*FS-240*)
- ❖ Lub State Department Daim Ntawv Qhia txog Kev Yug (*FS-545 lossis DS-1350*)
- ❖ Daim I.D. Card Neeg Amelikas (*I-197 lossis I-179*)
- ❖ Neeg Qhab Daim Card (*I-872*)
- ❖ Neeg Northern Marianas Daim Card (*I-873*)
- ❖ Daim ntawv txais menyuam los tu uas qhia tias yug hauv Tebchaws Amelikas
- ❖ Ntawv puavpheej yuav ib tus menyuam uas tsis yog yug hauv tebchaws Amelikas los tu thiab niamtxiv tshiab yog neeg Amelikas (*IR-3 lossis IR-4*)
- ❖ Ntawv puavpheej tias tau ua hwujlwm (civil service) rau Amelikas uantej lub Rau Hlis 1, 1976
- ❖ Ntawv ua tubrog Amelikas uas qhia tau lub chaw yug hauv tebchaws Amelikas
- ❖ Ntaub ntawv hauv tsev khomob hauv Tebchaws Amelikas uas luag ua thaum nws yug los *†
- ❖ Ntawv fajseeb txoj sia, khomob, thiab lwm yam *†
- ❖ Ntaub ntawv kev ntseeg uas ua hauv tebchaws Amelikas li 3 lub hlis tomqab yug los uas muaj chaw yug hnuv yug thiab lub hnuvnyoog hauv tebchaws Amelikas
- ❖ Ntaub ntawv pib mus kawm ntawv hauv tebchaws Amelikas uas muaj chaw yug, hnuv mus kawm, hnuv yug, npe thiab chaw yug ntawm niamtxiv
- ❖ Tsoomfwm Qibsiab lossis Xeev ntawv suav neeg uas muaj lub hnuv nyoog thiab qhia tias yog neeg Amelikas thiab qhia chaw yug
- ❖ Neeg Qhab Seneca daim ntawv suav neeg *†
- ❖ Bureau of Indian Affairs daim ntawv suav neeg rau cov Qhab Navajo *†
- ❖ Daim ntawv teev kev yug hauv lub U.S. State Vital Statistics *†
- ❖ Daim ntawm yug hauv Tebchaws Amelikas uas ua ntev tshaj 5 xyoos tomqab nws yug los *†
- ❖ Ib daim ntawv teev ib cov lus thiab suamnphe rau los ntawm kws khomob lossis neeg pab yug menyuam uas nyog ntawd thaum yug tus menyuam *†
- ❖ Ntawv qhia tias yog Neeg Ib Txwm Nyob Alaska los ntawm lub Koomhaum Saib Neeg Qhab *†
- ❖ Cov ntaub ntawv mus nyob tsev laus lossis tsev tu, lossis lwm lub tsev uas qhia chaw yug hauv Tebchaws Amelikas *
- ❖ Ntaub ntawv khomob (tsis yog ntawv txhaj tshuaj tivthaiv) *†

* Yuavtsum yog ua uantej li 5 xyoos uas koj tuaj thov Medi-Cal thawj (1st) zaus thiab qhia chaw yug hauv Tebchaws Amelikas.

† Rau cov menyuam tsis tau muaj hnuv nyoog 16 xyoo, yuavtsum yog tsim ze lub sijhawm uas nws yug los.

Koj **yuavtsum** muab cov ntawv uas teev nyob saumtoj li koj muab tau.

*Yog koj muab **tsis tau** ib yam ntawm cov ntawv no los qhia tias koj yog neeg Amelikas li...*

Nrhiv ob tus neeg laus uas paub txog koj los ua ib daim ntawv *Qhia Tias Koj Yog Neeg Amelikas*. Ob tus neeg no yuavtsum tau muaj ntawv puavpheej qhia tias nkawv yog leejtwg thiab yog neeg Amelikas, thiab tsuas yog ib tus nkaus xwb thiaj pub txheeb koj.

– THIAB –

Ib daim ntawv qhia tias yog leejtwg tiag uas teev rau hauv qab no:

- ❖ Laixees tsav tsheb uas ib lub Xeev hauv Tebchaws Amelikas lossis lawv ib Thaj Av muab rau koj uas muaj duab thiab lwm yam kev qhia txog koj
- ❖ Daim I.D. card kawm ntawv uas muaj duab
- ❖ Daim I.D. card ua Tubrog Amelikas lossis ntawv ua tubrog
- ❖ Daim I.D. card hauv tsoomfwm, xeev, lossis hauv nroog uas muaj kev qhia li daim laixees tsav tsheb
- ❖ Daim I.D. card uas qhia tias yog menyuam ntawm cov Tubrog Amelikas
- ❖ Daim U.S. passport (uas muaj kev txwv)
- ❖ Daim Ntawv Qhia txog Cajnces Neeg Qhab lossis Qhab Amelikas/Neeg Alaska cov ntaub ntawv
- ❖ U.S. Coast Guard Merchant Mariner Card
- ❖ Peb lossis ntau tshaj ntawd yam ntawv uas qhia tau tias muaj tseeb, xwsli daim ID ua haujlwm, high school lossis college diplomas, ntawv sib yuav, ntawv sib nrauj, thiab ntaub ntawv tswv vajtse/av (deeds/titles)
- ❖ Ntaub ntawv los ntawm tsev kuaj mob, kws khomob, lossis tsev khomob rau ib tus menyuam uas tsis tau muaj 16 xyoo
- ❖ Ntaub ntawv mus kawm ntawv, zov menyuam mos, lossis chaw zov menyuam, nrog rau ntawv qhia qhab-nees (report cards), rau ib tus menyuam uas tsis tau muaj 16 xyoo. Lub county mam nug thiab nrog lub tsev kawm ntawv tham.
- ❖ Rau cov tibneeg uas muaj teebmeem kev tu-ncua hauv lub cev uas nyob hauv ib lub chaw tu tibneeg, ib daim ntawv teev lus tseeb (Affidavit) uas suamnphe rau los ntawm tus thawj tsavxwm lossis tus thawj saib lub chaw ntawd

Rau cov **menyuam uas tsis tau muaj 16 xyoo** uas tsis muaj daim ntawv *Qhia Tias Yog Neeg Amelikas*, koj muab tau:

- ❖ Ib daim ntawv teev lus tseeb (Affidavit) tias tus menyuam ntawd yog leejtwg uas suamnphe rau los ntawm tus menyuam niamtxiv, tus saib xyuas, lossis tus txheebze uas tu nws uas teev nws lub hnuv yug thiab chaw yug
- ❖ Ib daim ntawv thov Medi-Cal lossis ntawv thov Healthy Families/Medi-Cal uake uas muaj tus menyuam ntawd lub hnuv yug thiab chaw yug, thiab suamnphe rau los ntawm tus menyuam ntawd niamtxiv, tus saib xyuas lossis tus txheebze uas tu nws.

Rau ib tus **menyuam uas tsis tau muaj 18 xyoo**, siv tau ib daim ntawv teev lus tseeb (Affidavit) tias tus menyuam ntawd yog leejtwg uas suamnphe rau los ntawm tus menyuam niamtxiv, tus saib xyuas, lossis tus txheebze uas tu nws yog tias nws tsis muaj ID kawm ntawv lossis laixees tsav tsheb.

Qhia: Cov I.D. uas tas sijhawm lawm los txais tau los ua puavpheej qhia tias koj yog leejtwg.